

EPISTOLA

*Qui sit Mecænas vt nemo sibi
Sortem seu ratio, seu fors obiecerit illa
Contentus viuat, laudet diuersa sequentes?*

Discamus ergo ταπεινοφροσυνῶν, quæ nos ab omni propriæ facultatis confidentia, procul auocat, & omni gloriandi materia destitutos ad summisionem adducit. Vitemus & πολυπρηγμοσυνῶν, sed potiùs faciamus diligenter nostræ vocationis officia, & nosmetipsos intra metas nostræ infirmitati & vocationi conuenientes, contineamus. Cogitemus etiam in quem vsus in hac vita simus conditi, & vt id, ad quòd simus conditi, præcipuè agamus. Habet enim vnusquisque suam priuatam vocationem in hac externa vitæ conuersatione, cui diligenter remota omni supina oscitantia, est seruiendū. Consideranda sunt & paulò altiùs perpendenda dicta illa: Deus resistit superbis, humilibus autè dat gratiam. Et, dispergit superbos mente cordis sui. Item: Oculos superborum humiliabis. Arrogantia & affectus regnandi summū Angelum seduxit cum sua cohorte. Idem errans affectus & seductricia desideria promanarunt inde in vniuersum genus humanum, & tenacissimè hoc venenum (Eritis sicut Dij) in omnium cordibus hæret, carni, ossibus & me-